



AÐGERÐAÁÆTLUN SVALBARÐSSTRANDARHREPPS

Aðgerðir Svalbarðsstrandarhrepps

vegna COVID-19

1. útgáfa – 16. mars 2020

*Áætlunin er sett með stoð í viðbragðsáætlun
Svalbarðsstrandarhrepps og tilkynningar til íbúa um
ráðstafanir og þjónustustig hjá Svalbarðsstrandarhreppi*



Efnisyfirlit

Tilfnið.....	2
Samhengi	2
Tilkynningar um ráðstafanir og þjónustustig.....	3
Starfsemi Valsárskóla.....	3
Starfsemi Leikskólans Álfaborgar	3
Fyrir eldri borgara	8
Þjónusta og starfsemi á vegum Svalbarðsstrandarhrepps	9
Opnunartími og heimsóknir	9
Fundir	10
Eldhús, kaffi og veitingar	10
Hreinlæti og merkingar	10
Fjarvinna.....	11
Ferðalög.....	11
Annað - starfsfólk	12
Frekari upplýsingar.....	12
Gögn og upplýsingar annarra	13

DRÖG AÐ AÐGERÐARÁÆTLUN



Tilefnið

Almannavarnir hafa lýst yfir neyðarstigi vegna COVID-19 veirunnar. Stjórnendur Svalbarðsstrandarhrepps leggja sig fram við að fylgjast vel með þróun mála. Viðbrögð við stöðunni eru ítrekað endurmetin, sem og ráðstafanir hreppsins, út frá tilkynningum og leiðbeiningum almannavarna og landlæknis.

Byggt er á þeim forsendum, að aðgerðir almannavarna og landlæknis snúist núna fyrst og fremst um að hægja á dreifingu veirunnar og verja þau fyrir veirunni sem eru viðkvæmust fyrir, t.d. eldra fólk og þau sem hafa undirliggjandi sjúkdóma.

Meginreglan hjá Svalbarðsstrandarhreppi er sú að nálgast viðfangsefnið af yfirvegum og fylgja eftir öllum tilmælum yfirvalda, eins og almannavarna og landlæknisembættis. Af frekari varúðarráðstöfunum og með tilliti til aðstæðna í okkar byggðarlagi er gengið lengra þegar ástæða er talin til. Forsendur kunna að breytast hratt.

Samhengi

Gefin var út **viðbragðsáætlun** Svalbarðsstrandarhrepps við heimsfaraldri af völdum COVID-19, 2. útgáfa, 09. mars 2020. Viðbragðsáætlun hefur verið uppfærð og aðlöguð að þeim aðstæðum sem við blasa. Hér er aðgerðaáætlun 1. útgáfa [Sjá hér á vef Svalbarðsstrandarhrepps.](#)

Til að fylgja eftir viðbragðsáætluninni hafa stjórnendur Svalbarðsstrandarhrepps sett saman **aðgerðaáætlun**, til leiðbeiningar fyrir stjórnendur og starfsfólk hreppsins. Í henni eru skilgreindar þær **ráðstafanir** sem gerðar eru í skólum og starfsemi Svalbarðsstrandarhrepps til að (a) varna sem mest útbreiðslu og draga úr áhrifum veirunnar og (b) undirbúa skerta starfsemi, en með sem minnstri röskun, miðað við aðstæður. **Aðgerðaáætlunin er í stöðugri endurskoðun.**

Þær ráðstafanir sem snerta beint notendur þjónustunnar og íbúa verða svo birtar opinberlega sem tilkynningar á heimasíðu sveitarfélagsins.



Í þessari samantekt er einnig að finna skilaboð frá stofnunum tengdum sveitarfélaginu, auk upplýsinga frá aðilum sem þess hafa óskað.

Tilkynningar um ráðstafanir og þjónustustig

Til að byrja með verður aðgerðaáætlun í heild sinni sett á vefinn, þar til mikilvægustu skilaboðin til íbúa og notenda þjónustu hafa verið sett saman í einfaldari útgáfu, til birtingar á vef. Við vinnum að því.

Starfsemi Valsárháskóla

Líkt og aðrir skólar í næsta nágrenni og um land allt fylgir Valsárháskóli leiðbeiningum og ákvörðunum stjórnvalda og sveitarfélagsins frá degi til dags. Markmiðið í aðgerðaáætlun 1 er að tryggja að ekki séu of stórir hópam saman á hverjum tíma og tryggja þannig að smit nái ekki dreifingu hraðar en annars. Sóttvarnarlæknir telur að takmörkun skólahalds eigi að standa í 4 vikur þ.e. frá 16.03.2020 til og með 13.04.2020 sem er annar dagur páska. Eftirfarandi eru ráðstafanir skv. tilkynningu frá Valsárháskóla 16.03.2020:

- Valsárháskóli er starfandi og kennsla er skipulögð út frá viðmiðum yfirvalda um að ekki séu fleiri en 20 nemendur saman í hópi og að ekki verði blöndun á milli hópa.
- Ef nemandi/ur eru í heima við í sóttkví fer kennsla fram í gegnum tölvu.
- Gert er ráð fyrir að umsjónarkennarar fylgi sínum hópum frá upphafi dags, í útiveru og matartíma til loka skóladags.
- Eiginleg stundartafla gildir ekki, kennsla og starf er aðlagð að aðstæðum.
- Þeir kennarar sem ekki eru umsjónarkennarar fylgja ákveðnum hópum.
- Verkgreinakennsla fellur niður.
- Íþróttakennsla fellur niður.
- Nemendur í 1.-2. bekk verða á Tjörnum
- Nemendur í 3.-4. bekk verða á Streng
- Nemendur í 5.-6. bekk verða á Flúðum



- Nemendur í 7.-10. bekk verða í Læk og Straumi
- 1.-2. bekkur verður í norður forstofu – suðurvegg
- 5.-6. bekkur verður í norður forstofu – norðurvegg
- 3.-4. bekkur suður forstofa
- 7.-10. bekkur kennarainngangur
- Tónlistarkennsla fellur niður hjá kennurum sem koma að, einkakennsla Tíu heldur sér á Brunni
- 7.-10 bekkur fara í mat kl.11.15
- 3.-4. bekkur í mat kl 11.30
- 1.-2. og 5.-6. bekkur í mat kl. 11.45
- Skóli er frá 08:00-12
- Morgunmatur fellur niður
- Skólabíll fer kl. 12
- Nemendur fá úthlutað sætum í skólabíl
- Vinaborg er lokað
- Þrif hafa verið aukin tímabundið í almennum rýmum og á öllum snertiflötum.
- Starfsfólk mötuneytis skammtar mat, aukin þrif eru í matsal og nemendur þvo hendur og spritta fyrir og eftir mat.
- Bókasafn lokað. Nemendur geta nálgast bækur í heimastofum sem umsjónarkennari og bókasafnskennari hafa tekið saman
- Skilaboðum er komið til foreldra í gegnum Mentor, tölvupóst, heimasíðu og facebook síðu skólans.
- Allt samstarf milli Álfaborgar og Valsárskóla fellur niður t.d.
 - söngstund
 - útiskóli
 - leikur að læra
 - sérkennsla
 - forskóli tónlistarkennslu
- Heimsóknum og ferðum á viðburði hefur verið frestað.
- Fundum sem ekki eru brýnir er frestað og frekar notast við fjarfundi, símafundi og tölvupóst.



- Aðgangur þeirra sem eiga ekki beint erindi í skólann, er bannaður og fólki bent á að senda tölvupóst á svala@svalbardsstrond.is. Starfsmenn skóla, nemendur, kennarar og lykilstarfsmenn sveitarfélagsins hafa stýrðan aðgang að skólanum, aðrir ekki.
- Þjónustusímar eru:
 - Valsárskóli 464 5510

Starfsemi Leikskólans Álfaborgar

Líkt og aðrir skólar í næsta nágrenni og um land allt fylgir Álfaborg leiðbeiningum og ákvörðunum stjórnvalda og sveitarfélagsins frá degi til dags. Markmiðið í aðgerðaáætlun 1. útgáfu er að tryggja að ekki séu of stórir hópar saman á hverjum tíma og tryggja þannig að smit nái ekki dreifingu hraðar en annars. Sóttvarnarlæknir telur að takmörkun skólahalds eigi að standa í 4 vikur þ.e. frá 16.03.2020 til og með 13.04.2020 sem er annar dagur páska. Leikskólinn Álfaborg verður lokaður í Dymbilvikunni, 6.-8. apríl.

Foreldrar verða að taka ákvörðun um skólavist barna sinna ef þau eða einhver á heimilinu er með undirliggjandi sjúkdóma og þeir óttast veru þeirra í skólanum. Foreldrar geta haft samband við eftirfarandi starfsmenn ef eitthvað er eða þið óörugg. Hægt er að ná í Dillu í síma 699-0637 og á netfangið dilla@svalbardsstrond.is eða Ásdísi sími 663-6862 og á netfangið asdis@svalbardsstrond.is

Eftirfarandi eru ráðstafanir skv. tilkynningu frá leikskólanum Álfaborg 16.03.2020:

- Álfaborg er starfandi og starfið skipulagt útfrá viðmiðum yfirvalda um að ekki séu fleiri en 20 einstaklingar saman í hópi og að ekki verði blöndun á milli hópa. Nemendum er skipt upp í þrjá hópa.
- Álfaborg er opin alla virka daga frá klukkan 07:45-15:00.
- Gengið er inn um sitthvorn innanganginn fyrir yngri deild (Hreiður) og eldri deild.
- Tekið er á mótí börnum í forstofu frá kl. 7.45-8.15. Ef börn koma seinna en það biðjum við ykkur um að hringja í 464-5505 (eldri deild) eða 464-5506 (Hreiðrið) svo starfsmaður geti tekið á mótí barninu.



- Ef breytingar verða á þeim tíma sem börn koma í skólann eða eru sótt eru foreldrar beðnir um að hringja áður. Foreldrar koma með börn/ná í börn í forstofu og fara ekki inn í skólann (464-5505 í Álfaborg og 464-5506 Hreiður).
- **Álfaborg lokar kl. 15:00 og eru börn sótt á útisvæði, börn á Hreiðri eru sótt í anddyri.**
- Starfsmenn hreinsa leikföng, áhöld og húsbúnað eftir lokun skóla kl. 15:00.
- **Leikskóli lokar kl. 15.00.**
- Ekki verður boðið uppá hafragraut í upphafi dags en í boði er morgunkorn og lýsi.
- Matur frá eldhúsi fer á deildir án viðkomu á öðrum deildum.
- Útivist er skipt á milli deilda þannig að hóparnir séu ekki samtímis úti á sama svæði.
- Þrif hafa verið aukin tímabundið í almennum rýmum og á öllum snertiflötum.
- Skilaboð um handþvott hanga víða um skólann.
- Skilaboðum er komið til foreldra í gegnum tölvupóst, heimasíðu og facebook síðu skólans.
- Allt samstarf milli Álfaborgar og Valsárskóla fellur niður t.d.
 - söngstund
 - útiskóli
 - leikur að læra
 - sérkennsla
 - forskóli tónlistarkennslu
- Heimsóknir í grunnskóla og heimsóknir frá grunnskóla falla niður.
- Heimsóknum og ferðum á viðburði hefur verið frestað.
- Allar heimsóknir í leikskólann eru bannaðar og biðjum við foreldra að koma ekki inn í skólann.
- Aðgangur þeirra sem eiga ekki beint erindi í skólann, er bannaður og fólki bent á að senda tölvupóst á dilla@svabardsstrond.is og asdis@svabardsstrond.is á Hreiðri. Starfsmenn skóla, nemendur, kennararar og lykilstarfsmenn sveitarfélagsins hafa stýrðan aðgang að skólanum, aðrir ekki.
- Fundum sem ekki eru brýnir er frestað og frekar notast við fjarfundi, símafundi og tölvupóst. Foreldraviðtölum er frestað eða þau framkvæmd eftir leiðum sem auglýstar eru sérstaklega.
- Þjónustusími er:



- Álfaborg 464 5505
- Álfaborg/Hreiður 464 5506

DRÖG AÐ AÐGERÐARÁÆTLUN



Fyrir eldri borgara

Upplýsingunum verður sérstaklega dreift til eldri borgara eftir fjölbreyttum leiðum þannig að við getum komið þeim hratt og vel á rétta staði (í vinnslu). Hringt er í eldri borgara ef ástæða er til og skilaboðum komið til þeirra í gegnum facebook og með auglýsingu á heimasíðu sveitarfélagsins.

Forsendan er sú að vernda hópinn sem er í mestri áhættu fyrir smiti vegna Covid-19, skv. leiðbeiningum landlæknis. Það er m.a. gert með því að draga úr samgangi fólks og huga vel að því á hvernig stöðum/svæðum fólk kemur saman.

Útgangspunktur okkar allra er að loka tímabundið á þjónustu, félagsstarf eða starfsemi. Við óskum eftir því að nú leggjumst við öll á eitt og hugsum út fyrir kassann; **hvernig getum við veitt hvert öðru stuðning og átt í samskiptum, eftir nýjum og óhefðbundnum leiðum?**

Einnig - í samstarfi við félagasamtök – reynum við að veita skýrar upplýsingar til eldri borgara og þeirra sem eru með undirliggjandi sjúkdóma. **Þetta er í nánari skoðun.**

Ertu með hugmyndir eða spurningar?

Það má hafa samband við hana Björgu á skrifstofu hreppsins í síma 464 5500, eða senda skilaboð gegnum Facebook-síðu Svalbarðsstrandarhrepps – hér:

www.facebook.com/Svalbarðsstrandarhreppur

eða gegnum netfangið postur@svalbardsstrond.is



Þjónusta og starfsemi á vegum Svalbarðsstrandarhrepps

Opnunartími og heimsóknir

Tekið hefur verið fyrir heimsóknir í stofnanir og húsnæði hreppsins, nema fyrir þau sem þangað eiga brýn erindi. Það er í höndum forsvarsmanna leik og grunnskóla að sjá um framkvæmd á þessu. Við óskum eftir góðri samvinnu og skilningi. Nánar tiltekið er um að ræða:

A. Algert bann, sem gildir um:

- **Eldhús leik- og grunnskóla:**
 - Aðgangur annarra en matráða, ræstingafólks, skólastjórnenda og umsjónarmanns fasteigna er bannaður.

B. Veruleg takmörkun; einungis notendur þjónustu

- **Leikskóli, grunnskóli, tónlistarskóli:**
 - Nemendur fara ekki í heimsóknir í aðrar stofnanir um óákveðinn tíma. Gildir þó ekki um útiveru.
 - Engar heimsóknir utanaðkomandi aðila eru leyfðar til okkar.
 - Foreldrafundum er frestað um óákveðinn tíma eða sinnt í síma.
 - Komur forráðamanna sem fylgja ungum börnum í og úr skóla verða endurskipulagðar af skólastjórnendum. Forráðamenn sýni aðgát.
- **Ráðhús Svalbarðsstrandarhrepps**
 - Einungis viðskiptavinir með brýn erindi.
 - Lokun eða frekari takmarkanir á heimsóknum er í undirbúningi, en auglýstir símatímar á móti. Símatími er milli kl. 10 og 12 alla virka daga í síma 464 5500. Hægt er að senda tölvupóst á postur@svalbardsstrond.is
- **Áhaldahús, umsjón fasteigna**
 - Einungis starfsfólk.

C. Opið fyrir notkun húsanna, en hvatt til tillitssemi:



- **Bókasafn**

- Takmörkun á opnunartíma bókasafns er í undirbúningi.

Kæru viðskiptavinir! Við hvetjum til samskipta í síma, tölvupósti eða fjarfundi.

Sjá upplýsingar neðst í skjali.

Fundir

Eftirfarandi kafli var samþykktur af sveitarstjórn 17. mars 2020:

- Öllum fundum sem ekki þarf nauðsynlega að halda eða taka þátt í, skal sleppa.
- Fundi nefnda, ráða og sveitarstjórnar Svalbarðsstrandarhrepps má halda sem fjarfundi, ef nauðsyn krefur, sbr. væntanlega breytingu á sveitarstjórnarlögum nr. 138/2011.
 - Leiðbeiningar um fjarfundi, fyrir starfsfólk, bæjarfulltrúa og nefndarfólk, verða gerðar aðgengilegar á heimasíðu sveitarfélagsins.
 - Fyrir vinnufundi og óformlega fundi má nýta fundarsíma/fjölsímtöl.
- Starfsfólk sveitarfélagsins skal ekki taka þátt í fundum utanhúss, nema brýna nauðsyn beri til. Ávallt skal þó leita eftir því að taka þátt gegnum fjarfund.

Eldhús, kaffi og veitingar

- Leiðbeiningum almannavarnadeildar RLS og landlæknis fylgt.
- Matar- og kaffitímar (áhöld, aðferðir, frágangur) endurskipulagðir.
- Sameiginlegir kaffifundir með veitingum fyrir starfsfólk skulu ekki haldnir.
- Framboð af matvælum í ísskáp takmarkað við matvæli í lokuðum umbúðum (skyr, jógúrt, lokaðar fernur og flöskur, o.s.frv.) Matur starfsfólks sé í lokuðum umbúðum.

Hreinlæti og merkingar

- Leiðbeiningum almannavarnadeildar RLS og landlæknis fylgt.
- Hvetjum til hreinlætis, en þar skiptir handþvottur langmestu máli og sprittun. Handþvottur skal ávallt valinn, sé þess kostur, en um 25 sek þvottur með sápu skilar mestum árangri, skv. leiðbeiningum.



- Í stofnunum okkar skal hugað sérstaklega að góðu aðgengi til handþvottar og sprittunar, fyrir starfsfólk og notendur þjónustu.
- Að upplýsa og fræða: Hengja skal upp leiðbeiningar/hvatningu til handþvottar (fyrir starfsfólk og aðra) á viðeigandi stöðum og á nokkrum tungumálum (íslensku, ensku, pólsku hið minnsta).
- Skólastjórnendur skulu sjá til þess að áherslur í þrifum verði endurskoðaðar og fara yfir það með starfsmönnum í ræstingu. Lögð áhersla á að þrifa (og spritta) sérstaklega vel alla snertifleti; s.s. handrið, hurðarhúna, stólarma, borð, o.s.frv.

Fjarvinna

- Til þess getur komið að starfsfólk þurfi að vinna fjarvinnu, þ.e. í störfum þar sem það á við. Það gæti t.d. komið til vegna ráðstafana við að aðskilja starfsfólk og minnka samgang milli þess og/eða við viðskiptavinum.
- Komi til þess að starfsfólk fari í sóttkví á það að starfa í fjarvinnu, eins og kostur er. Stjórnandi, deildarstjóri í leikskóla, verkefnastjóri í grunnskóla eða sveitarstjóri, ákveður, í samráði við starfsmann, hvaða viðfangsefnum starfsmaður á að sinna í fjarvinnu.
- Stjórnendur stofnana gera ráðstafanir til undirbúnings, þannig að þetta sé hægt, í samræmi við fjárheimildir ársins eða sveitarstjóra, ef fara þarf umfram fjárheimildir.
- Starfsfólk er hvatt til að kynna sér aðgengilegar leiðbeiningar um fjarfundi.
- Það starfsfólk sem er með undirliggjandi sjúkdóma eða á nána aðstandendur með undirliggjandi sjúkdóma, sem ekki verður komist hjá að eiga dagleg samskipti við, er hvatt til að vinna heima sé þess kostur, komist útbreiðsla smits á það hátt stig að fólki sé þá veruleg hættu búin. Slíkt skal ákveðið í samráði við yfirmann.

Ferðalög

- Engar ferðir til útlanda verða á vegum Svalbarðsstrandarhrepps. Þetta gildir þangað til annað verður ákveðið.
- Starfsfólk er beðið um að upplýsa næsta stjórnanda um ferðalög sín á eigin vegum á næstunni. Sjá næsta kafla.



Annað - starfsfólk

- Förum eftir fyrirmælum landlæknis.
- Þau sem finna fyrir veikindum mæti ekki í vinnu og fari strax heim finni þau fyrir veikindum eftir að mætt er til vinnu.
- Við mælumst til þess að starfsfólk sveitarfélagsins takmarki þátttöku sína í stærri viðburðum og mannamótum utan vinnu.
- Þau sem telja sig hafa verið í samskiptum við einstaklinga sem eru í sóttkví eða hafa fengið veiruna skulu vinna í fjarvinnu.
- Við heilsumst ekki með handabandi og sleppum allri snertingu.
- Sjá nánar í viðbragðsáætlun Svalbarðsstrandarhrepps.
- Um greiðslur Svalbarðsstrandarhrepps til starfsfólks vegna veikinda og sóttkvíar vegna COVID-19, fer samkvæmt kjarasamningum og leiðbeiningum Sambands íslenskra sveitarfélaga dags. 2. mars 2020.

Frekari upplýsingar

Tilkynningar eru settar jafnóðum á vef Svalbarðsstrandarhrepps; www.svalbardsstrond.is

Við erum einnig á Facebook: <https://www.facebook.com/Svalbarðsströnd/>

Senda má fyrirspurn á netfangið postur@svalbardsstrond.is, sem er vaktað pósthólf, eða hringja í 464 5500 (ráðhús).

Þá er hægt að óska eftir og skila inn gögnum, svo og sækja um ýmsa þjónustu og leyfi á vef Svalbarðsstrandarhrepps undir [eyðublöð](#).

Við bendum á símanúmerin okkar og netföng: [Netföng og símanúmer starfsfólks](#)

- **Grunnskóli**
 - www.skolar.svalbardsstrond.is
 - valsarskoli@svalbardsstrond.is
 - s. 464 5510



- **Leikskóli**

- www.skolar.svalbardsstrond.is
- alfaborg@svalbardsstrond.is
- s. 464 5505

Gögn og upplýsingar annarra

Minnt er á [vef landlæknis](#) þar sem nágast má allar helstu upplýsingar um COVID-19 sem eru uppfærðar í rauntíma.

Almannavarnir - [vefur - upplýsingar um stöðu og framvindu mála, auk ráðlegginga.](#)

Almannavarnir hafa einnig gefið út [ráðleggingar um mannamót](#) með tilliti til faraldursins sem allir eru hvattir til að kynna sér.

[Samband íslenskra sveitarfélaga - ýmsar leiðbeiningar og handhægar upplýsingar á fleiri tungumálum.](#)

Sveitarstjóri Svalbarðsstrandarhrepps

DRÖG AÐ AÐGERÐARÁÆTLUN